

Evening Dogri News Bulletin,

22 August 2024 18:15 Hrs

Headlines

- सीमा सुरक्षा बल-BSF दे महानिदेशक दलजीत सिंह चौधरी हों जम्मू संभाग च अंतराष्ट्री बन्ने कन्ने लगदे अगेत्रे इलाकें दा दौरा लाइयै सुरक्षा हालात दा जायजा लैता।
- जम्मू-कश्मीर ते हरियाणा च होने आले असैम्बली चुनाएं लेई अज्ज नमीं दिल्ली च आम निगरानें, पुलस निगरानें ते खर्चे सरबन्धी निगरानें दी बैठक लाई गई।
- ओंदे असैम्बली चुनाएं लेई डोडा च तैयारियां जोरें-शोरें जारी, जिले दे 3 निर्वाचन हल्कें च पंजीकृत 3 लक्ख 10 ज्हार शा मते मतदाताएं लेई 534 मतदान केंद्र खडेरे गेन।
- कांग्रेस दे वरिष्ठ नेता ते लोकसभा च बरोधी धड़ें दे लीडर राहुल गांधी हों आखेआ ऐ जे उंदी पार्टी ते इंडी गठबंधन तौले शा तौले जम्मू-कश्मीर दा राज्य दा दर्जा ब्हाल करने लेई बचनबद्ध न।

<><><><><><>

DG-BSF-IB

बी.एस.एफ दे ड्रैक्टर जनरल दलजीत सिंह चौधरी हों अज्ज जम्मू फ्रंटियर च अंतरराष्ट्री बन्ने कन्ने लगदे इलाकें दा दौरा लाइयै बलें दिएं कार्रवाइएं मतल्लक तैयारिएं दा जायजा लैता। इस मौके उनें जवानें कन्ने गल्लबात कीती ते बीएसएफ दे आला अफसरें उनेंगी सुरक्षा हीलें बारें अवगत करोआया। डी.जी दा ओहदा सांभने परेंत जम्मू फ्रंटियर दा एह उंदा पैहला दौरा ऐ। जम्मू-कठुआ रेंज दे डीआईजी शिव कुमार शर्मा हों पनसर आली सरहदी चौकी पर उंदे नै मलाटी कीती

ते खिते च बीएसएफ ते पुलस बश्कार सहयोग ते सुरक्षा उपाएं बारै चर्चा कीती। बीएसएफ दे महानिदेशक हुंदा एह् दौरा प्रदेश च होन जा'रदे असैम्बली चुनाएं शा पैहले लग्गा ऐ। अंतरराश्ट्री बन्ने ते कब्जा रेखा पर सुरक्षा सरिस्ते गी होर तगड़ा बनाया ज'रदा ऐ ते एहदे लेई बीएसएफ दे जवानें दी तैनाती बधाने दे कन्नोकन्नी तकरीबन 1 जहार सीमा पुलस कर्मिं ते ग्राम रक्षा समूहें गी बी तैनात कीता जा'रदा ऐ।

<><><><><><>

EC-Observers Meeting

अज्ज नमीं दिल्ली च जम्मू-कश्मीर ते हरियाणा च विधानसभा चुनाएं लेई आम निगरान, पुलस निगरान ते खर्चे आहले निगरानें दी इक बैठक कीती गई। मुख् चुनांs आयुक्त राजीव कुमार, चुनांs आयुक्त ज्ञानेश कुमार ते सुखबीर सिंह संधू होरें जम्मू-कश्मीर ते हरियाणा च मतदान बारै निगरानें गी संबोधित कीता। बैठक दे मगरा मीडिया कन्नै गल्लबात करदे होई राजीव कुमार होरें आखेआ जे आयोग नै निगरानें गी मेदवारें ते राजनैतिक पार्टियें लेई जमीनी स्तर उप्पर कम्म करने लेई आखेआ ऐ। उनें आखेआ जे दौनें जगह चुनां निष्पक्ष ते पारदर्शिता कन्नै कीते जांगन। मुख् चुनांs आयुक्त होरें एह् बी आखेआ जे जम्मू-कश्मीर दे लोकें च चुनाएं लेई बड़ा मता उत्साह ऐ।

<><><><><><>

DEO-Doda

डोडा जिले च विधानसभा दे पेहले चरण च मतदान लेई सारियां त्यारियां तकरीबन पूरियां होई चुकी दियां न। डोडा दे जिला चुनां अधिकारी हरविंद्र सिंह होरें सारे राजनैतिक दलें दे नुमाइंदें सामने चुनावी मशीनें गी बिच्चां-बिच्चां तालिए भेजने दी प्रक्रिया शुरू करी दिती। स्हाड़े जिला

संवाददाता फियाज पाम्पोरी हुंदे कन्नै जिला चुनांs अधिकारी हरविंद्र सिंह होरें गल्लबात करदे होई आखेआ।

<><><><><><>

DEO-Jammu

विधानसभा चुनाएं गी सुचारू ते पारदर्शिता कन्नै चलाने लेई जम्मू दे जिला चुनां अधिकारी सचिन कुमार वैश्य होरें बक्ख-बक्ख राजनैतिक दलें दे नुमाइंदें कन्नै अज्ज मुख्यालय च इक बैठक कीती। बैठक च आदर्श आचार संहिता दे दिशा-निर्देशों दी पालमा बारै ते विधानसभ चुनां शांति ते रमानदारी कन्नै होने बारै गल्ल कीती गई। राजनैतिक दलें दे नुमाइंदें इस बैठक च अपने सुझा बी सांझे कीते। जिला चुनां अधिकारी होरें बड़े धरोइयै सुनेया। डीईओ होरें चुनाएं गी सुचारू ढंग्गै कन्नै चलाने लेई हर संभव मदद करने दा आश्वासन दिता ऐ। इस मौके उप्पर बोलदे होई जिला चुनां अधिकारी सचिन कुमार वैश्य होरें आखेआ।

<><><><><><>

Mahila-Chaupal Reasi

समाज गी मजबूत बनाने च महिलां इक जिम्मेदार ते मजबूत स्तम्भ न। सामाजिक, सांस्कृतिक ते आर्थिक विकास च उंदी भूमिका बड़ी महत्वपूर्ण ऐ ते इस करी पूरी चुनां प्रक्रिया च उंदी सक्रिय भागीदारी स्हाड़े लोकतंत्र गी होर मजबूत करने लेई बड़ी मती जरूरी ऐ। रियासी दे इलाकें च महिला मतदाताएं कन्नै जुड़ने दी नमीं पैहल कीती गई ते लोकतंत्र च मतदान दे महत्व बारै उनेंगी जागरूक करने लेई महिला चोपालें दा आयोजन कीता गेआ। एह चोपालां खासतौरा पर महिलाएं लेई गै आयोजित कीती गेइयां न ते इंदे च महिलाएं गी मतदाता पंजीकरण, पता बदलने बारै जानकारी उंदी मकामी भाषा च दिती गई। स्हाड़े जिला संवाददाता

दविंद्र ठाकुर हुंदे कन्नै रियासी दे बाल विकास परियोजना दे अफसर ते भमोग दी तहसीलदार महक महाजन होरें गल्लबात करदे होई आखेआ।

<><><><><><>

SVEEP-Udh.

उधमपुर दे जिला चुनां दफतर आस्सेया Govt. Hr. Secondary School, Tikri च स्पीप पैहलकदमी तैहत इक मतदाता जागरूकता कार्यक्रम दा आयोजन कीता गेआ। जिला पंचायत चुनां अधिकारी ते मुख शिखा अधिकारी होरें चुनां च भागीदारी बारै जागरूकता पैदा करने च स्वीप दी गतिविधियें दे महत्व बारै लो पाई। स्हाड़े जिला संवाददाता हुंदे कन्नै गल्लबात करदे होई जिला पंचैत चुनां अधिकारी डॉ. प्रीति शर्मा होरें ते बच्चें आखेआ।

<><><><><><>

SVEEP-Poonch

जम्मू-कश्मीर च अगले म्हीने होने आहले विधानसभा चुनां लेई जिला स्वीप अभियान तैहत जिला पुंछ च बन्ने कच्छ स्थित माडल हायर सेकेंडरी स्कूल जलास च इक मतदाता जागरूकता कार्यक्रम दा आयोजन कीता गेआ। इस कार्यक्रम च स्कूली बच्चें बड़ी मती गिनतरी च हिस्सा लैता। इस कार्यक्रम दी अध्यक्षता सवीप दे सदस्य रविंद्र सिंह होरें कीती ते स्कूल दे प्रिंसीपल रमेश चंद्र शर्मा होर इस कार्यक्रम दे मुख परौहने हे। इस मौके पर जिनें युवां पैहली बारी वोट पाना ऐ, उनें गल्ल करदे होई आखेआ।

<><><><><><>

ते हुन बाकी दिएं खबरें कन्नै विजय बजाज।

Doda-Election

जम्मू-कश्मीर दा इक महत्वपूर्ण क्षेत्र जिला डोडा पैहले चरण च होने आले विधानसभा चुनाव 2024 लेई पूरी चाल्ली तैयार ऐ। भद्रवाह, डोडा ते डोडा पच्छिम, इनें त्रों विधानसभा क्षेत्रें च कल 3 लख 10 जहार 586 पंजीकृत मतदाता दर्ज कीते गेन। इंदे च 1 लख 60 जहार 57, 1 लख 50 जहार 521 महिलाएं ते 8 युवा शामिल न। इनें त्रुं विधानसभा क्षेत्रें च 534 मतदान केंद्र बनाए गेन।

<><><><><><>

Rahul-Election

कांग्रेस दे वरिष्ठ नेता ते लोकसभा च बरोधी धड़े दे लीडर राहुल गांधी होरें आखेआ ऐ जे उंदी पार्टी ते इंडी गठबंधन जम्मू-कश्मीर दा राज्य दा दर्जा तौले शा तौले बहाल करने लेई बचनबद्ध ऐ। श्रीनगर च मीडिया गी दिते गेदे बयान च राहुल गांधी होरें आखेआ जे उनेंगी मद ही जे असैम्बली दे चुनावें शा पैहले जम्मू-कश्मीर गी राज्य दा दर्जा थहोई जाहग पर ऐसा नेई होआ ऐ। उनें मद जताई जे लोकतंत्र तौले बहाल होग ते आखेआ जे आजाद भारत च पैहली बारी कुसै राज्य गी केंद्र शासित प्रदेश बनाई दित्ता गेआ। उनें आखेआ जे अपने चुनावी घोषणा पत्र च उनें एह साफ करी दित्ता ऐ जे जम्मू-कश्मीर ते लद्दाख दे लोकें दे लोकतांत्रिक अधिकारें गी बहाल करने उंदी प्राथमिकता ऐ। उनें आखेआ जे ओह जम्मू-कश्मीर दे लोकें दी मद लेई पूरी चाल्ली तैयार न। राहुल होरें आखेआ जे ओह नफरत दे बजार च मोहम्मद दी दकान खोलना चाहंदे न। इज्जत कन्नै, भाईचारे कन्नै। इस मौके कांग्रेस पार्टी दे प्रधान मल्लिकार्जुन खड़गे होरें आखेआ जे ओह अपने मकामी लीडरें दिएं प्रतिक्रियाएं दी बिनाह पर गठबंधन लेई कोशशां करै करदे न। उनें आखेआ जे ओह पूरे विपक्ष गी इकजुट रक्खना चाहंदे न। खड़गे होरें इब्बी आखेआ जे जम्मू-कश्मीर गी परतियै राज्य बनाने आस्तै ओह बचनबद्ध न।

<><><><><><>

President Vigyan Puruskar

राष्ट्रपति द्रौपदी मुर्मू होर अज्ज राष्ट्रपति भवन च प्रतिष्ठित वैज्ञानिके गी राष्ट्री विज्ञान पुरस्कार 2024 कन्नै सम्मानित कीता। प्रो. गोविंद राजन पद्मनाभन गी राष्ट्रपति होरें “विज्ञान रत्न 2024” पुरस्कार कन्नै सम्मानित कीता। डॉ. आनंदराम कृष्णन होरें गी कृषि विज्ञान दे क्षेत्र च बाबा एटोमिक रिसर्च सेंटर मुम्बई थमां डॉ. अवेश कुमार त्यागी होरें गी परमाणु उर्जा दे क्षेत्र च ते Indian Institute of Science Education and Research (IISER), Pune थमां प्रो. जयंत भालचंद्र उद्धगांवकर होरें गी जैविक विज्ञान दे क्षेत्र च “विज्ञान श्री” पुरस्कार कन्नै सम्मानित कीता गेआ।

<><><><><><>

India-UN

भारत नै संयुक्त राष्ट्र सुरक्षा काउंसल दी स्थाई सदस्यता दे विस्तार दा बरोध करने आलें ते अफ्रीका गी बनदी थाहर देने थमां इंकार करने आलें दी निंदेआ करने दा आह्वान कीता ऐ। संयुक्त राष्ट्र च भारत दे प्रभारी राजदूत आर. रविंद्र होरें आखेआ ऐ जे सदस्यता दी स्थाई श्रेणी च अफ्रीका गी नुमाइंदगी थमां लगातार वंचित रक्खना, काउंसल दी समूहिक विश्वसनीयता पर इक दाग आला लेखा ऐ। ओह काउंसल दी शांति कायम रखने पर आयोजित उच्च स्तरी खुल्ली बैहस च बोला करदे हे। उनें आखेआ जे आतंकवादी ना छड़ा रमानदारी ते सुरक्षा लेई सगुआं विकास लेई बी इक आलमी सतह दा खतरा ऐ। उनें अंतरराष्ट्री सतह पर आतंकवाद विरोधी इक व्यापक कन्वेंशन लेई भारत दे आह्वान गी फही पक्का कीता।

<><><><><><>